

12. gr.

Úttektaraðili skv. 6. gr. laga um reynslusveitarfélög fylgist með framkvæmd samþykktar þessarar og metur hvernig til hafi tekist.

13. gr.

Samþykkt þessi, sem bæjarstjórn Hornafjarðar hefur sett með heimild í 10. gr. laga um reynslusveitarfélög, nr. 82/1994, sbr. 1. gr. laga nr. 78/1996, öðlast þegar gildi og gildir til 1. janúar 2000.

Félagsmálaráðuneytinu, 10. mars 1997.

Páll Pétursson.

Porgerður Benediktsdóttir.

12. mars 1997

Nr. 194

SAMÞYKKT

**um breytingu á samþykkt um stjórn Vestmannaeyjabæjar
og fundarsköp bæjarstjórnar nr. 196/1988,
með síðari breytingum.**

1. gr.

62. gr. samþykktarinnar orðast svo:

Bæjarstjórn kýs í eftirtaldar nefndir, ráð og stjórnir:

A. **Til eins árs.** Á fundi í júní ár hvert:

1. *Bæjarráð.* Þrír aðalfulltrúar í bæjarstjórn sem aðalmenn og jafnmargir til vara skv. 55. gr. sveitarstjórnarlaga nr. 8/1986.
2. *Brunavarnanefnd.* Þrír aðalmenn og jafnmargir til vara, auk slökkviliðsstjóra. Brunavarnanefnd er falið af bæjarstjórn að fara með brunavarnamál, sbr. 1. mgr. 4. gr. laga um brunavarnir og brunamál nr. 41/1992.
3. *Íþrótt- og æskulýðsráð.* Hefur með höndum stjórn æskulýðs- og íþróttamála svo og annarra tómstundamála. Í íþrótt- og æskulýðsráð skulu kosnir fimm aðalmenn og fimm til vara. Eigi færri en tveir þeirra skulu vera bæjarfulltrúar. Tómtunda- og íþróttafulltrúi situr fundi ráðsins. Íþrótt- og æskulýðsráð fer meðal annars með málefni íþróttamiðstöðvar, skólagarða, vinnuskóla, ungmennaklúbba og íþrótt- og æskulýðsmál almennt, að svo miklu leyti sem bæjarfélagið lætur þau til sín taka. Íþrótt- og æskulýðsráð skal halda fundi eigi sjaldnar en einu sinni í mánuði. Nánari ákvæði um starfsemi ráðsins skal setja í sérstaka reglugerð.
4. *Menningarmálanefnd.* Þrír aðalmenn og jafnmargir til vara skv. 7. gr. laga nr. 50/1976 um almenningubókasöfn og reglugerð nr. 138/1978. Eigi færri en tveir nefndarmenn skulu vera aðalfulltrúar í bæjarstjórn. Menningarmálanefnd fer með stjórn safna bæjarins og aðra þá þætti er varða menningarmál á vegum bæjarsjóds.
5. *Skóðunarmenn.* Tveir aðalmenn og jafnmargir til vara skv. 84. gr. sveitarstjórnarlaga nr. 8/1986.
6. *Starfskjaranefnd.* Tveir aðalmenn og jafnmargir til vara. Nefndarmenn skulu vera aðalfulltrúar í bæjarstjórn. Starfskjaranefnd er kosin skv. 16. gr. í sérákvæðum kjarasamnings milli Vestmannaeyjabæjar og Starfsmannafélags Vestmannaeyjabæjar frá 1. jan. 1987 - 31. des. 1989 og annast úrlausnir minniháttar ágreiningsmála og túlkun kjarasamninga.

7. *Stjórn bæjarveitna*. Fjórir aðalmenn og fjórir til vara auk bæjarstjóra. Ekki færri en tveir hinna kjörnu fulltrúa skulu vera bæjarfulltrúar. Bæjarstjóri er sjálfkjörinn formaður stjórnarinnar. Stjórn bæjarveitna fer með framkvæmdastjórn raforkumála, vatnsveitumála og fjarhitunar, sbr. reglugerð nr. 241/1990.
 8. *Stjórn lífeyrissjóðs*. Einn aðalmaður og annar til vara auk bæjarstjóra, sem er formaður stjórnarinnar. Stjórn Lífeyrissjóðs starfsmanna Vestmannaeyjabæjar fer með stjórn lífeyrissjóðsins og fjárreiður hans samkvæmt reglugerð sjóðsins frá 5. september 1994.
 9. *Stjórn sparissjóðs*. Tveir aðalmenn og jafnmargir til vara skv. 36. gr. laga nr. 43/1993 um viðskiptabanka og sparissjóði og samþykktum Sparissjóðs Vestmannaeyja frá 3. desember 1942 með áorðnum breytingum.
 10. *Undirkjörstjórn við alþingiskosningar*. Þrír aðalmenn og jafnmargir til vara skv. 10. gr. laga nr. 80/1987 um kosningar til Alþingis.
Hverfiskjörstjórnir jafnmargar og kjörstaðir eru: Þrír aðalmenn í hverja og jafnmargir varamenn.
- B. Til fjögurra ára.** Á fyrsta eða öðrum fundi að afloknum bæjarstjórnarkosningum:
1. *Almannavarnanefnd*. Tveir aðalmenn og jafnmargir til vara skv. 8. gr. laga nr. 94/1962 um almannavarnir, sbr. 5. gr. laga nr. 85/1985.
 2. *Félagsmálaráð*. Fimm aðalmenn og jafnmargir til vara skv. 5. gr. laga nr. 40/1991 um félagsþjónustu sveitarfélaga. Auk þess situr félagsmálastjóri fundi þess. Eigi færri en tveir ráðsmenn skulu vera bæjarfulltrúar. Félagsmálaráð hefur með höndum framkvæmd félagsmálastarfs kaupstaðarins. Félagsmálaráð fer með verkefni barnaverndarnefndar skv. 6. gr. laga nr. 58/1992 um vernd barna og ungmenna. Félagsmálaráð fer jafnframt með verkefni leikskólanefndar skv. 9. gr. laga nr. 78/1994 um leikskóla. Félagsmálaráð skal kveðja fjóra menn til starfa í þjónustuhópi aldraðra, sbr. 2. tl. 5. gr. laga nr. 82/1989 um málefni aldraðra, sbr. 7. gr. sömu laga. Þjónustuhópur aldraðra skal fara með hlutverk öldrunarnefndar, sbr. 6. gr. sömu laga. Einnig fer félagsmálaráð með þau mál sem fjallað er um í lögum nr. 40/1991 um félagsþjónustu sveitarfélaga að svo miklu leyti sem öðrum nefndum eru ekki falin þau verkefni samkvæmt sér-lögum. Félagsmálaráð fer jafnframt með jafnréttismál, sbr. 13. gr. laga nr. 28/1991 um jafna stöðu og jafnan rétt kvenna og karla. Nefndin hefur einnig með höndum verkefni áfengisvarnamefndar, sbr. 30. gr. áfengislaga nr. 82/1969.
 3. *Fulltrúaráð Brunabótafélags Íslands*. Einn aðalmaður og annar til vara skv. 9. gr. laga nr. 68/1994 um Eignarhaldsfélagið Brunabótafélag Íslands.
 4. *Fulltrúaráð Sambands ísl. sveitarfélaga*. Þrír aðalmenn og þrír til vara skv. lögum Sambands íslenskra sveitarfélaga.
 5. *Hafnarstjórn*. Fimm aðalmenn og jafnmargir til vara skv. 9. gr. hafnalaga nr. 23/1994. Eigi færri en tveir hinna kjörnu fulltrúa skulu vera bæjarfulltrúar. Hafnarstjórn starfar samkvæmt ákvæðum hafnalaga nr. 23/1994 svo og hafnarreglugerðar fyrir Vestmannaeyjahöfn nr. 377/1985.
 6. *Húsnæðisnefnd*. Þrír aðalmenn og jafnmargir til vara skv. 39. gr. laga nr. 97/1993 um Húsnæðisstofnun ríkisins með síðari breytingum og 83. gr. húsaleigulaga nr. 36/1994.
 7. *Kjörstjórnir við sveitarstjórnarkosningar*. Þrír aðalmenn og jafnmargir til vara skv. 23. gr. sveitarstjórnarlaga nr. 8/1986.
Kjörstjórn (yfirkjörstjórn).
Hverfiskjörstjórn. Þrír aðalmenn og jafnmargir til vara. Hverfiskjörstjórnir geta verið jafnmargar og kjörstaðir.
 8. *Landnytjanefnd*. Þrír aðalmenn og jafnmargir til vara. Skulu tveir aðalmenn og jafnmargir varamenn kosnir úr hópi búfjáreigenda og/eða veiðiréttarhafa, en hinir úr hópi bæjarfulltrúa. Nefndin er bæjarstjórn til ráðuneytis um ráðstöfun landnytja svo sem

um leigu beitilands og garðlanda, úthlutun veiðileyfa, svo og um veitingu leyfa til búfjárhalds. Hún skal einnig sjá um fjallskil og fóðurgæslu. Landnytjanefnd fer einnig með hlutverk gróðurverndarnefndar skv. 19. gr. laga um landgræðslu nr. 17/1965. Formaður nefndarinnar gegnir starfi búfjárefnirlitsmanns samkvæmt lögum nr. 46/1991 um búfjárhald.

9. *Skipulagsnefnd*. Fimm aðalmenn og jafnmargir til vara skv. 6. gr. byggingarlaga nr. 54/1978. Tveir hinna kjörnu fulltrúa skulu vera bæjarfulltrúar. Byggingarfulltrúa er skylt að sitja fundi skipulagsnefndar. Skipulagsnefnd fer með skipulagsmál, sbr. 7. gr. fyrrnefndra laga. Jafnframt fer hún með umferðarmál, sbr. 2. mgr. 116. gr. umferðarlaga nr. 50/1987. Þegar fjallað er um ferlimál fatlaðra skal kalla til áheyrnarfulltrúa frá samtökum þeirra.
10. *Skólamálaráð*. Fimm aðalmenn og jafnmargir til vara skv. 13. gr. laga nr. 66/1995 um grunnskóla. Nefndin fer jafnframt með málefni Tónlistarskóla Vestmannaeyja skv. 2. gr. laga nr. 75/1985 um fjárhagslegan stuðning við tónlistarskóla.
11. *Skólanefnd framhaldsskóla*. Tveir aðalmenn og jafnmargir til vara skv. 6. gr. laga nr. 80/1996 um framhaldsskóla og reglugerð nr. 132/1997 um skólanefndir við framhaldsskóla.
12. *Stjórn sjúkrahúss og heilsugæslustöðvar*. Þrír aðalmenn og jafnmargir til vara skv. 30. gr. laga nr. 97/1990 um heilbrigðisþjónustu.
13. *Umhverfis- og heilbrigðisnefnd*. Þrír aðalmenn og þrír til vara. Nefndin hefur á hendi heilbrigðismál, náttúruvernd og umhverfismál þar með talin útivistarsvæði og fólkvanga ef stofnaðir eru. Heilbrigðisfulltrúi skal sitja fundi nefndarinnar. Starfssvið nefndarinnar markast m.a. af ákvæðum 6. gr. laga nr. 81/1988 um hollustuhætti og heilbrigðiseftirlit og skv. 10. gr. náttúruverndarlaga nr. 93/1996.

Samþykkt þessi, sem bæjarstjórn Vestmannaeyjabæjar hefur sett, skv. 3. mgr. 7. gr. og 49. gr. sveitarstjórnarlaga nr. 8/1986, staðfestist hér með til að öðlast þegar gildi. Jafnframt fellur úr gildi samþykkt um breytingu á samþykkt um stjórn Vestmannaeyja og fundarsköp bæjarstjórnar nr. 420/1992.

Félagsmálaráðuneytinu, 12. mars 1997.

F. h. r.

Húnbogi Þorsteinsson.

Sesselja Árnadóttir.

REGLUR

fyrir samvinnunefnd um svæðisskipulag á Héraðssvæði.

1. gr.

Samvinnunefnd um svæðisskipulag í eftirtöldum 11 sveitarfélögum: Fljótisdals-, Hlíðar-, Skriðdals-, Valla-, Eiða-, Jökuldals-, Hjaltastaðar-, Fella-, Tungu- og Borgarfjarðarhreppum auk Egilsstaðabæjar, hér eftir nefnd samvinnunefnd um svæðisskipulag á Héraðssvæði, er svo skipuð að í henni eiga sæti 23 fulltrúar. Skipulagsstjórn skipar formann nefndarinnar en sveitarstjórnir á svæðinu skipa hver um sig tvo fulltrúa. Varafulltrúar aðila skulu skipaðir á sama hátt. Heimild til fundarsetu með málfrelsi og tillögurétt hafa skipulagsstjóri ríkisins og fulltrúi hans og aðrir sem nefndin ákveður hverju sinni.